

# مجله علمی و ادبی

مطبعه و محل اداره :

جغیال اوغلنده امنیت  
صندوغی جوارنده  
شنگول یقوشنده  
۲۷ نوسرو

مسلكجه موافق آثار  
جدیده مع الممنونه  
قبول اولنور

درج ایدلهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاست ، احوال و شئونه اسلامیه و بحث ایدر و هفته ده بر نشر اولنور .

صاحب و مؤسسلری :

در سعادتده نسخه سی ۵۰ یاره در

ابوالعلا زین العابدین - ح . اشرف ادیب  
تاریخ تأسیسی

قیرله دن مقوا بورو ایله کوندریلیرسه سنوی  
۲۰ غروش فضله آلنیر

۱۰ تموز ۳۲۴

آبونه بدلی

| سنه لکی             | التی آیلانی | غروش |
|---------------------|-------------|------|
| ممالک عثمانیه ایچون | ۶۵          | ۳۵   |
| روسیه               | ۶۵          | ۳۵   |
| سائر ممالک اجنبیه   | ۱۷          | ۹    |

یدنجی جلد

۲۵ ذی القعدة ۱۳۲۹ پنجشنبه ۳ تشرین ثانی ۱۳۲۷

عدد : ۱۶۷

دیت آیی ویریلیمه مش . ابتدا بونلرک تسویه سنی نظر دفته آلام . تصادفاً تالیخان عسکرندن ایکی طابور پیاده اینه درتیوز سواری ضابطاریله برابر خان آبادده بولونوبوردی . بونلر ، حاصلات ولایتدن برمقدارینی . عبدالغیاث خانک کوشکلیکنندن بالاستفاده - کندی امور وخصوصلرینه صرف ایتشلدی . بنم کلیشم ، حقارنده خیرلی اولمایه جفتی آکلادقلرندن کابله فرار ایلامک اوزره عموم عسکری اختلاله تشویق ایتدیلر .

عبدالغیاث خانک ( محمد عزیز خان ) نامنده بر اوغلی واردی . هنوز اون بریاشده اولدینی وداها معلملریله آدملرینک تحت نفوذنده بولوندی حالده پدرینک معیتده کی عسکرک سرکرده لکنی حاز ایدی . بو حربلر ، یعنی محمدعزیز خانک ، منسوبینی ده ، ولایتک فی الحقیقه ، افندی زاده لرینک مالر بولاندینی جهته عبدالرحمانک حکومتنی قبول ایتک و اونک مداخله سینه میدان ویرمک حماقت اولدینی سویله یهرک بوراده احقچه طورمقدنسه صاووشوب کابله کیتیمک اولادر دیهرک عسکری تحریک ایدیورلردی .

بو صیراده جدم امیر دوست محمد خانک خبر وفاتی ده واصل اولونجه تالیخان عسکری بوندن بوتون بوتون جرأت آلاق اقامتکاهک اطرافه طوبولاندیلر . قوجامان طاشلرله اومک درودیوارینی تفریب ایتدیلر . فقط کندی عسکرک مداخله ومدافعه سی اوزرینه دیکیش طوتدورامایوب مغلوباً صاووشدیلر .

ایکی اوج کون صوکرا بونلر ایتدکلرینه پشیمان اولوب برعریضه تقدیم وبزی ضابطارمن تشویق ایتشدی دییه استعفای قصور ایلدیلر . سزی تشویق ایدن کیملرسه اسملرینی سویله یلک اولوردن ماعداسنی عفو ایده جکم . یوق خبر ویره یه جک اولورسه کز یولکیز آجیقدر . کابله قدر کیتیک جوانی ویردم .

بر پوصیه کتیردیلرکه اوزرنده سسکز یوز باشی ایله محمدعزیز خانک معلمی و آدملری وداها سائر کیملرک اسملری یازیلی ایدی . یوز باشیلری طوب آغزینه باغلامق صورتیه اعدام ایتدیردم . متباقیسنی ده عفر واطلاق ایله یهرک اغتشاشک اوکنی آلام .

مترجمی

ظاهر المولوی

### اسکی قفادن اسکی سیاست

بو کره میدان حربه کیتیمک اوزره ( ۱۸ ) تشرین اولده عثمانیه مصر پوسته سیله حرکت ایتشدم . حسن تصادف اوله رق واپورمزده صدر اسبق کامل پاشا حضرتلری دخی بولنیورلردی . معلومدرکه کامل پاشا حضرتلری تورکیه نیک پک مشهور ومعروف ، پک اسکی دیپلوما- تدرندر . بوتون جهان نظرنده نهایت معزز و محترم بر ذات عالی قدر اولدینی کبی ، عام وعرفان جهتیله ده بالخاصه فن سیاستده نظری وعملی کالاتی حاوی وجامع حقیقه اسم علی المسمی ذیلورسه سزادر . بزده فرصتدن بالاستفاده وقت بولدقچه واپورده آراسره کنیدیلرینی

تصدیه جسارت ایله حضور عالیارنده بولنه رق فکرعالیلرینی بعض مسئلهلرده استمزاج ایلدک .

طبیعیدرکه کامل پاشا حضرتلری آز سوزلی بر آدم اولدینی جهته آنجق صورولان مسئلهلره جواب ویرمکده ایدی ، بیان افکار ومطالعه لرده دخی بولندیلر ایسه ده ، شیمدیلک هپسنی عالم مطبوعاتده نشر ایتمکده معذورم .

بنم استمزاج ایتدیکم مسئلهلردن بری شرق مسئله سی ایدی که ، بوکا ، بنم فکرجه غایت مفید وغایت مختصر بر جواب ویردی ، دیدی که : « رقابتلر بیوکر ، تمامیه پایلاشه منزل » هیچ شبهه یوقدرکه بو بویله در . شرق مسئله سنی عالم نظرده بیوتشدر . دوشوندکلری کبی حل ایده میه جکلری هر خطوه لرنده کورلمشدر .

دیگری : طرابلس غرب مسئله سی ایدی ، بوراده دخی کامل پاشا حضرتلری مختصرجه دوشونمکده در ؛ فقط بن بوتون عجزمی اعترافله برابر کامل پاشا حضرتلرینک کالانته اعتماد برکال اولدینی حالده ، بوبابده فکر عالیلرینه اصلا وقطعا اشتراک ایده میورم .

کامل پاشا حضرتلری دها شیمدیلر ، بلکه مسئله نک دها بدایتندن طرابلس غربی ایتالیانلره ویرمشده بنغازی سنجاغنی قورتارمق ایتدیلر .

بنجه « المجتهد قدیخلی » مشارالیه حضرتلرینک بو خصوصده فکرلری خطادر . ذاتاً بو اسکی سیاستدر ، بر قطعه یه تعرض ایتدکلری کبی آتی فدا ایدوبده قالاتی محافظه ایتک ، مراراً تجربه اولنش بر سیاستدر . آرتق تازه سینه بقالم .

بزم فکرمنزه کوره عالم اسلام نه زمان که تجاوزی سیاستلر تعقیب ایدردی هپ مظفر وموفق اولوردی ، نه زمان که تدافعی سیاستلر تعقیب ایتمکده باشلادی هپ مغلوب اولدی . آرتق اسکی بابالرمزک سیاستلرینی برآز خاطرلایه لم ، برزده کندی عقلعزی استعمال ایدلم .

فی الحقیقه کامل پاشا حضرتلرینک فکرلری بوش و معناسز فکر دکلدر ، بلکه مدلل وموافق ومعتدل بر فکردر . مشارالیه حضرتلری : دولت علیه اتفاق مثک قارشوسنده دوراماز . اوج بیوک دولت نتیجه ده متفقاً حرکت ایده جکلدر ، ذاتاً متفقدر . شو حالده بونلره قارشی مقاومت فکرنده بولمق جنایتدر . دیمک استیور . ظن ایده رم بوبابده معارضه اولنه من .

فقط بن بر مسلمان وبالخاصه علما سلکندن دخی اولدیفم جهته دیمک استرم که « کم من فته قلیله غلبت » بزم عقائد دینه مزنددر .

شو حالده بر کره اولسون تجربه ایدلم ، آرتق ایکی کره ثوله جکمز بر کره ثوله لم . بوکون دیپلوماتق دیهرک طرابلس غربی ویره جک اولورسه ق ایکی سنه صوکره ایتالیا خاننک بنغازی بی چکوب آلمایه جفته کیم کفالت ایدر ؟ کفالت ایتسلر دخی تجربه سی میدانده ، بزم تمامیت ملکیه مزی دول معظمه بالاتفاق کفالت ایتدیلر ، قاج دفعه لر معاهده لرله تا کیدایتدیلر نه انچون محافظه ایتدیلر

ونه ایچون ایتیمورلر؟ «کرید» ده بزم حقوق حکمرانیمیزی محافظه ایده جککردی، نه ایچون ایتدیلر؟ بونلری ملاحظه ایتیمورده کوری کورینه سفیرلرافته اعتماد ایده جکمهزه، برکزه اولسون اللهه اعتماد ایده لم.

آرتق یتر، سفیرلره چوق اعتماد ایتدک. سفیرلر بزه بک چوق وعدلرده بولندیلر فقط، ظن ایدرم، شو صوک یوز سنه ظرفده برکزه اولسون بزم منفعتیمیزی تأمین ایتدیلر.

شو حالده بن قویاً امید ایدرم، ملت آرتق بو اسکی فکرلری وقت آخره ترک ایدرمک، بو دفعه یکی بر سیاست تجربه ایتهلی. بز بر آزده کنسیمیزی طوبیایه رق کنیدی فکرمنز و کنیدی عقلمیزی استعمال ایدرسهک آفریقا جوللریک غضنفر اولادلری بزه ظهیر اولدقدن ماعدا بیتون عالم اسلام دخی بزم ایله اولور،

هیچ شبهه یوقدرکه جناب واجب الوجودک نصرتی و حضرت پیغمبرک امدادی بزم ایله برابر اولدقجه، بز قایقار و زنبوقلر ایله ایتالیا زرهلیرینه هجوم ایدرز. نصلکه ایتدیلر و ایده جککردر. زرهلی نه در، اون بیسک آدم هجوم ایدرده هر زرهلی به بشر آدم آنلایه بیلورسه کافیدر. اوت اصحاب فنون بو سوزلره قهقههلر ایله کوله جککردر. لکن شونی ده اونو تمایه لم که بوسورتله هجوم ایده جککرا اصحاب فنون دکلدرد، طوب آغزینه تفک ایله یورویهرک ایتالیا نلری فراره قدر مجبور ایدن قوت فن قوتی دکلدرد.

مسلمانلرک الک بیوک قوتلری ایمان و اعتقادلریدر؛ دیپلوماتلرمنزک یک چوق خطالرینی یوکلمدک، برکزه اولسون اصحاب عمام سوزینی دخی سمع اعتباره آله لم.

هیچ شبهه یوقدرکه بن بو سوزلری کامل پاشا حضرتلرینه اعتراض مقامنده سویلا میورم. بلکه مشارالیه حضرتلریک فکر عالیرینی تصویب ایله برابر، بنده عاجزانه بر فکر بیان ایدیورم.

عبدالرشید ابراهیم مصر

## دولت عثمانیه - ایتالیا محاربه سی

و

### عالم اسلام

عسا کر عثمانیه دک مظفریتلری حوادثی قاهره به عکس ایدر ایتیز، غزته موزعلریله ساثره الی تراموایه بینهرک یوللرده (یشاسون خلیفه، یشاسون عثمانیلر، کبرسون ایتالیا) دیبه باغیرشمغه باشلامشیر، آبارتمانلرده اقامت ایتمکده اولان ایتالیا نلر باغیرانلرک اوزرینه سلاح آتمق جرائنده بولنمشلردر. «المقطم»

§ مصر داخلیه نظارتی طرفندن بر بیاننامه نشر اولنهرق مطبوعات مصریه تک عثمانلی - ایتالیا محاربه سنه دائر هیجان آمیز بیانات و عبارات نشر ایتلمی منع ایدلشدرد. «العلم»

§ آلمان خبرلره کوره مصر حکومتی لورد کیچنرکده انضمام رأی ایله سکیز صحیفه لک یوز بیسک نسخه رساله طبعنه و جامعلرده توزیعنه قرار ویرمشدر. عربجه اولان بورساله ده عثمانلی - ایتالیا

محاربه سنک مصرده حصوله کتیردیکی حال و موقعدن بحث ایدلمکده ویرلیرک اتخاذ ایلیه جکی مسلتک تذکار اولنمقده در. بیاننامه محاربه تک عادی بر محاربه اووب جهاد مقدس طرزنده بولندیغی اوزون اوزادی به بیان ایلیمکده در.

§ بنغازیدن وارد اولان خبرلره کوره عربان فوج فوج کلهرک اردویه التحاق ایتیمکده درلر. نشر ایدیلان بر بیاننامه ایله عمومی جهاد اعلان ایدلشدرد.

§ اقدامک طرابلس غرب مخبر مخصوصی تونسدن یازیور: تونس قطعه سنده کی عموم اسلامار؛ خلیفه مؤمنینه بر رابطه قویه معنویه ایله مربوط اولوب حکومت عثمانیه تک دائماً ترقی و تعالیسنی کمال خواهشله آرزو و تمنی ایدرلر. شو حربده موفق اولماقمز ایچون بر چوق معاونت و فدا کارلرده بولنق صورتیه حسیات خیرخواهانلرینی فعلاکده اثبات ایتیمکده درلر.

بوراده نشر اولان عموم عربجه غزته لر حکومت عثمانیه لهنده و ایتالیا علیهنده درلر. بو غزته لر؛ فرانسه تک ترکیایه معاونتده بولنسی و لازم کلن تسهیلاتی ایفا ایتسنی تمنی ایدیورلر.

هرکون جامعلرده ترکیانک موفقیتی ایچون دعالم ایتیمکده درلر. ترکیانک موفقیتی حقنده این بر حوادث کلیدیکی وقت اهالی مسلمه یکدیگری تبریک ایتک صورتیه اظهار شادمانی ایلیمکده درلر. هله مملکتلرنده بر ترک کوردکاری زمان کوزلرنده لمعه پاش اولان سرور و افتخارک تعریف و تصویر آتیمق ادبی بر قلم ایله افاده ایدیله بیلیر.

نفس تونسده اثنای حربده ترکیایه معاونت ایتیمک اوزره بر جمعیت تشکیل ایدلدی. بوجمیت بر چوق زنکیینلره برابر معلوماقی یک چوق کنج داخل بولنیور. بوجمیتک مروج افکاری اوله رق (اتحاد اسلام) نامنده عربجه بر غزته نشر ایدیلور.

بوجمیت مصر لیرلر کی درج اعانه ایله برابر بعض خدمات فعلیه ده بولنیور.

§ لوندرد - قابتووندن رویتر تلغراف آژانسنه اشعارارلنیور: «ترانسوال مسلمانلری عثمانلی - ایتالیا محاربه سنده قهرمانانه مجاهده ایدن دینداشلری ایچون ۶۰۰ انگیز لیرای اعانه جمع ایدرک باب عالی به ارسال ایتمشلردر.»

..

### ناآل مسلمانلریک احتیاساتی

انگلتره تک افریقای جنوبی مستملکاتندن (ناآل) قطعه جسیمه سنک مرکزی اولان (دوربان) شهری انجمن اسلامی کچن کون بر اجتماع فوق العاده عقدیه ایتالیا حیدودلریسک طرابلس غربه وقوع بولان تجاوز شقاوتکارانه لری شدتله پروتستو ایدلش و خطبای محلیه دن بر ذات محترم بوجه آتی افادات مهمه ده بولنمشدر:

«محترم قره دشرلم! بو کون سزه شو منبر خطابندن بر قاج